


5553

21

Գրքերի Զուգակցում
Օրոշում

Կուսակցության Գրքերում



Գրքեր
1906

57

ԿԱՆՈՆԱԳՐՈՒԹԻՒՆ



ՓԱՐԻԶԻ

ՀԱՅԿԱԿԱՆ



ՄԻՈՒԹԵԱՆ



062(=91.99)
Պ - 28

ՓԱՐԻԶ

Գրադր. Ս. ՏՈՂՐԱՄԱՆՅԱՆ

1906

8902-111

370



1983-44

062(=91.99)

op-28



ԿԱՆՈՆԱԳՐՈՒԹԻՒՆ

ՓԱՐԻՋԻ

Հայկական Միութեան

1004
15207

սե

Ն Պ Ա Տ Ա Կ

- 307-ՈՒԱԾ 1. « Փարիզի Հայկական Միութիւն » Ընկերութեան նպատակն է .
- I. նպաստել , օրինական միջոցներով , հայ ազգի բարոյական եւ նիւթական շահերու պաշտպանման :
 - II. շնչնշնել քաղաքակիրթ աշխարհին՝ Հայութեան անցեալ ու ներկայ կեանքը եւ մտաւոր գործունէութիւնը :
 - III. Տարածել հայ ժողովրդին մէջ արեւմտեան քաղաքակրթութիւնը :

Գործունէութեան միջոցներ

ՅՕԴՈՒԱԾ 2. « Փարիզի Հայկական Միութիւնը » իր նպատակն իրագործելու համար ի գործ պիտի դնէ հետեւեալ միջոցները .

Ա. Պիտի օգնէ տաղանդ ցոյց տուող հայ ուսանողներու, զոր Տնօրէն Խորհուրդը արժանի կը գտնէ :

Բ. Պիտի նպաստէ հայ թատրոնի զարգացման :

Գ. Պիտի օգնէ հայերէն լեզուով գրական, դիտական, պատմական, գեղարուեստական ինքնագիր ու թարգմանական գործերու, ինչպէս եւ օտար լեզուով Հայութիւնը Եւրոպային ճանչցնել ձգտող աշխատութեանց հրատարակման :

Դ. Պիտի կազմակերպէ Փարիզի՝ ինչպէս Եւրոպական ուրիշ քաղաքներու մէջ՝ երեկոյթներ, հանդէսներ եւ դասախօսութիւններ հայ երաժշտութիւնը, գրականութիւնը եւ ընդհանրապէս հայ արուեստը եւ Հայոց անցեալ ու ներկայ պատմութիւնը ճանչցնելու համար եւրոպական հասարակութեանց :

Ե. Պիտի հրատարակէ գրքեր՝ նոյն նպատակով :

Զ. Պիտի ջանայ մասնակցել՝ իր ներկա-

յացուցիչներուն միջոցով՝ գրական, գիտական եւ այլ միջազգային համաժողովներու :

Է. Ազգային մեծ աղէտներու եւ զժբաղ-դութեանց պարագային՝ նիւթական եւ բարոյական օգնութիւն պիտի ջանայ հասցնել հայ արկածեալներուն :

Ը. Պիտի հիմնէ Փարիզի մէջ հայկական թանգարան մը, եւ հայկական մեծ մատենադարան մը ուր պիտի հաւաքուին հայերէն լեզուով երեւցող բոլոր լրագիրները, գրքերը, ինչպէս ձեռագրեր, ինչպէս եւ օտար լեզուներով Հայոց մասին լոյս տեսած բոլոր հրատարակութիւնները :

Թ. Պիտի աշխատի հիմնելու Փարիզի մէջ զիշերօթիկ միջնակարգ քոլէժ-վարժապետանոց մը :

Ժ. Պիտի հիմնէ « համազգային ֆօնտ » (fonds), որ պիտի պահուի Եւրոպական մեծ զրամատան մը մէջ, ըստ որոշման Ընդհ. Ժողովին:

« Ֆօնտ »-ը պիտի կազմուի ընկերութեան տարեկան հասոյթներուն 20 0/0-ը վար դնելով, ինչպէս եւ այդ նպատակին համար մասնաւորապէս նուիրուած գումարներով: Կազմուած « ֆօնտ »-ի տարեկան տոկոսը կարող է ծախսուիլ ընկերութեան ընթացիկ գործառնութեանցը՝ ըստ որոշման Ընդհ. Ժողովի :

Ընդհ. Ժողովը կ'որոշէ՝ իւրաքանչիւր տարի՝ Ընկերութեան տրամադրած նիւթական միջոցներուն համեմատ՝ թէ այս այլազան ձեռնարկներէն նախ որո՞նք եւ ի՞նչ չափով պէտք է իրագործել :

Կագնակերպութիւն

ՅՕԴՈՒԱԾ 3. « Փարիզի Հայկական Ս իւութեան » կրնայ անդամակցիլ ամէն Հայ եւ Հայուհի , որ այս Կանոնագրութիւնը կ'ընդունի եւ որ Ընկերութեան մէկ անդամին կողմանէ կը ներկայացուի Տնօրէն Խորհուրդին :

ՅՕԴՈՒԱԾ 4. Տարեկան անդամավճարն է 10 Ֆրանք :

« Մշտական անդամ » կ'անուանուին այն անձերը որ մէկ անգամէն կը վճարեն 250 Ֆր.

« Բարեբար անդամ » կ'անուանուին այն անձերը որ 2500 Ֆր. կը նուիրեն Ընկերութեան :

« Պատուոյ անդամ » կ'անուանուին այն հայ եւ օտարազգի անձնաւորութիւնները որոնք կարեւոր աջակցութիւն մը կը նուիրեն Ընկերութեան նիւթական ու բարոյական բարգաւաճմանը :

Ընկերութիւնը, բաց ի անդամավճարներէն ու դրամական նուիրատուութիւններէն, կարող

է նաեւ իբր նուէր ընդունիլ գումարներ՝ Ընկերութեան նպատակը շօշափող յատուկ ծրագիրներու համար , ինչպէս եւ հին ձեռագրեր , զեղարուեստական առարկաներ , հին դրամներ , եւն :

Հասոյթի վերոյիշեալ բոլոր միջոցներէն զատ , Ընկերութիւնը կարող է սարքել իրեն ի նպաստ վիճակահանութիւններ , թատերական կամ երաժշտական երեկոյթներ :

Տնօրէն Խորհուրդ

ՅՕԴՈՒԱԾ 5. Տնօրէն Խորհուրդը կը վարէ Ընկերութեան գործերը : Այդ Խորհուրդը կ'ընտրուի Ընդհանուր Ժողովէն , բոլոր անդամներու քուէից համեմատական մեծամասութեամբ :

Քուէից հաւասարութեան պարագային, վիճակ կը ձգուի ընտրելիներուն միջեւ :

ՅՕԴՈՒԱԾ 6. Տնօրէն Խորհրդին անդամները կ'ընտրուին երկու տարուան համար. տարին անգամ մը անդամներուն կէսը՝ բաց ի նախագահէն՝ կը վերանորոգուի :

ՅՕԴՈՒԱԾ 7. Տնօրէն Խորհրդին անդամները վերընտրելի են :

ՅՕԴՈՒԱԾ 8. Տնօրէն Խորհուրդը կը

բաղկահայ եօթն անդամներէ . Ատենապետ ,
Փոխ-Ատենապետ , Ատենադպիր , Գանձապահ եւ
երեք խորհրդական անդամ :

ՅՕԴՈՒԱԾ 9. Տնօրէն խորհրդին նիստե-
րը օրինաւոր են երբ անդամոց մեծամասնու-
թիւնը ներկայ է :

Ընդհանուր Ժողով

ՅՕԴՈՒԱԾ 10. Տնօրէն խորհուրդը տարին
անգամ մը Ընդհ. Ժողով կը գումարէ , Ընկե-
րութեան նիւթական ու բարոյական կացու-
թեան ու տարուան ընթացքին իր կատարած
բոլոր գործերուն մասին հաշիւ տալու համար :

ՅՕԴՈՒԱԾ 11. Կարեւոր պարագաներու
մէջ, Տնօրէն խորհուրդը՝ իր նախաձեռնութեամբ
կամ Ընկերութեան անդամոց մէկ երրորդին
առաջարկութեամբ՝ կարող է արտաքոյ կարգի
Ընդհ. Ժողով գումարել :

ՅՕԴՈՒԱԾ 12. Տնօրէն խորհուրդը, Ընդ-
հանուր Ժողովի գումարումէն երկու ամիս ա-
միս առաջ՝ պիտի պատրաստէ օրակարգը եւ
քննելի խնդիրներու յայտարարը ինչպէս եւ յա-
ջորդ տարուան գործունէութեան նախագիծը եւ
եղեւմտից նախահաշիւը եւ պիտի զրկէ անդամ-
ներուն : Ընդհանուր Ժողովի թուականը եւ

Օրակարգը կանխաւ պիտի հրատարակէ թեր-
թերու մէջ :

ՅՕԴՈՒԱԾ 13. Ընդհանուր Ժողովը՝ իր
իւրաքանչիւր գումարման՝ իր զիւանը կ'ընտրէ
Ընկերութեան անդամոց մէջէն :

ՅՕԴՈՒԱԾ 14. Ընդհ. Ժողովին կարող
են մասնակցիլ Ընկերութեան բոլոր անդամ-
ները եւ կամ իրենց լիազօրները : Մէկ լիազօր
չի կրնար աւելի ձայն ունենալ քան 1/10ը
Ընդհանուր Ժողովի ձայներուն :

Օժանդակ Մասնախումբեր

ՅՕԴՈՒԱԾ 15. Տնօրէն խորհուրդը կա-
րող է օժանդակ մասնախումբեր հաստատել
ուրիշ հայաբնակ քաղաքներու մէջ : Այդ Օժան-
դակ Մասնախումբերը՝ պիտի գործեն Տնօրէն
խորհուրդին հրահանգով :

Կանոնագրութեան փոփոխութիւն

ՅՕԴՈՒԱԾ 16. Կանոնագրութեան ու եւ
է մէկ յօդուածը այն ատեն միայն կրնայ փո-
փոխուիլ երբ Ընդհանուր Ժողովը ձայներու
երկու երրորդի մեծամասնութեամբ կ'որոշէ այդ
փոփոխութիւնը :

ՅՕԴՈՒԱԾ 17. Այն պարագային ուր Ընկերութիւնը լուծուի, իր գրամագլուխն ու բոլոր գոյքերը պիտի յանձնուին կէսը Ամենայն Հայոց Կաթողիկոսին, կէսը Պոլսոյ Հայոց Պատրիարքին՝ Հայ ժողովրդի կրթական գործին յատկացուելու համար :





2001

0022841

2013 5553



NL0022841

12

